

BOSNA I HERCEGOVINA  
FEDERACIJA BOSNA I HERCEGOVINA  
KANTON SARAJEVO  
**JU OŠ „SILVIJE STRAHIMIR KRANJČEVIĆ“ SARAJEVO**

Broj:

Datum:

Na osnovu člana 95. Zakona o osnovnom odgoju i obrazovanju („Službene novine Kantona Sarajevo“, br.23/17, 22/17, 33/17, 30/19, 34/20, 33/21), člana 61. Pravila o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika odgojno – obrazovnog rada u osnovnoj i srednjoj školi (Službene novine Kantona Sarajevo“, broj 36/10, 4/11, 4/16,), Nastavničko vijeće JU OŠ „Silvije Strahimir Kranjčević“ Sarajevo na JEDANAESTOJ (11) sjednici održanoj 15.2.2023. godine, usvojio je

**ETIČKI KODEKS PONAŠANJA UČENIKA  
NA TERENSKOJ NASTAVI/ŠKOLA SKIJANJA ZA 6. RAZREDE U ŠKOLSKOJ  
2022/2023.GODINI**

UVOD

Etički kodeks predstavlja minimalni zajednički sistem vrijednosti koje neposredni nositelji terenske nastave/škole skijanja kao oblika odgojno-obrazovnog rada (u daljem tekstu nastavnici i stručni saradnici) uvažavaju u svom djelovanju.

Cilj Etičkog kodeksa je poticati razumijevanje i prihvaćanje temeljnih načela moralno opravdanog ponašanja te njihovu primjenu. Etički kodeks nastoji afirmirati osjetljivost za vrijednosti koje su specifične za organizaciju terenske nastave/škole skijanja za učenike kao oblika odgojno – obrazovnog rada, a koje nisu regulirane Zakonom o osnovnom odgoju i obrazovanju („Službene novine Kantona Sarajevo“, br. 23/17, 22/17, 33/17, 30/19, 34/20, 33/21) i Pravilnikom o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika i odgojno-obrazovnog rada u osnovnoj i srednjoj školi („Službene novine Kantona Sarajevo“, broj 36/10, 4/11, 4/16).

Ustanovljavanje i propisivanje etičkih standarda dinamički je proces koji slijedi stalni razvoj razumijevanja prava i dužnosti ljudskog bića. Upravo radi takve naravi etičkih normi, ovaj Etički kodeks podložan je stalnim provjerama i promjenama shodno razvoju i razumijevanju etičkih vrijednosti u datom kontekstu.

## **I CILJ I SVRHA**

### **Član 1.**

Etičkim kodeksom ponašanja učenika na terenskoj nastavi/škola skijanja (OŠ“Silvije Strahimir Kranjčević“ – u daljem tekstu Škola) propisuju se etička načela i principi, te pravila ponašanja kojih se treba pridržavati učenici u međusobnim odnosima, u odnosu prema nastavnicima i drugim osobama s kojima ostvaruju kontakt u toku realizacije škole skijanja, a u skladu s dostojanstvom i ugledom Škole.

### **Član 2.**

Kodeksom se utvrđuje i postupak prihvaćanja obveze poštivanja njihovih odredbi kao i nadzor nad njegovom primjenom.

### **Član 3.**

Svrha Kodeksa je da se njegovim prihvaćanjem i dosljednom primjenom uspostavi primjeren nivo odnosa i kulture, sticanja vrlina i pozitivnih navika, razvijanje valjanih moralnih shvatanja i usvajanja kulturnog ponašanja, a u cilju jačanja sveukupnog ugleda Škole i kulture življenja uopće.

## **II OPĆI PRINCIPI KODEKSA**

### **Član 4.**

U ostvarivanju principa Kodeksa učenik je dužan:

- doprinositi ostvarivanju ciljeva i zadataka terenske nastave/škole skijanja kao oblik odgojno-obrazovnog rada;
- na svakom mjestu čuvati svoj lični ugled, ugled svojih školskih kolega, nastavnika, razreda i škole;
- njegovati prijateljstvo i uvijek pokazivati dobru volju za pomoć drugima;
- ponašati se u skladu s pravilima Kućnog reda Škole i ustanove u kojoj boravi;
- voditi brigu o urednosti i ličnoj higijeni;
- čuvati imovinu i voditi računa o redu i čistoći opreme koja se koristi.

## **III PRAVILA PONAŠANJA I OBAVEZE SVIH UČESNIKA TERENSKE NASTAVE/ŠKOLE SKIJANJA**

### **Član 5.**

#### **a) Pripreme za putovanje:**

Oprema za skijanje ( skije, pancericice, garderoba, hrana i piće za put do odredišta, novac za potrebe boravka na planini).

Nastavnici (razredne stariješine) će imati u evidenciji zdravstvene specifičnosti učenika (alergije, putne neuroze, upustva i preporuke roditelja i ljekara).

## **b) Ponašanje za vrijeme terenske nastave/škole skijanja**

Učenici posebno trebaju voditi računa o pravilima ponašanja u autobusu, sjedenju na svojim mjestima, čuvanju vlastitih stvari uz vođenje računa o čistoći autobusa kao mjesta u kojem se odvija veći dio putovanja.

Autobus se napušta pri dolasku na odredište ( Bjelašnica/Igman), te poštivanju dogovora sa nastavnicima ili vođom puta.

Školska sportska oprema (skije) se mora poštovati i čuvati, a u slučaju štete učesnici terenske nastave/škole skijanja će nadoknađivati materijalnu štetu vlastitim sredstvima. Ukoliko primjeti namjerno remećenje reda i čistoće učenik je dužan prijaviti nastalu štetu nastavniku.

Učenici, nastavnici i predstavnici Agencije ostvaruju stalne kontakte, jedni druge podsjećaju na prava i obaveze u toku puta.

## **c) Pravila međusobne komunikacije**

Učenici i svi ostali učesnici terenske nastave/škole skijanja vodit će računa o prihvatljivim oblicima komunikacije, uz međusobno uvažavanje, te uvažavanje drugih lica sa kojima se na putovanju susreću, predstavnika Agencije, organa javnog reda i mira.

## **d) Pravila sigurnosti među djecom**

Učesnici terenske nastave/škole skijanja vode računa o sigurnosti i zaštiti djece od socijalno neprihvatljivih oblika ponašanja, diskriminacije, i svih oblika neprijateljstava s posebnim akcentom na vršnjačko nasilje, za čiju kontrolu su zaduženi nastavnici i vođe puta.

Vlastita imovina i imovina drugih treba da bude odgovornost svih učesnika terenske nastave/škole skijanja. Učesnici su odgovorni za svoj novac i način na koji ga troše, osim u slučaju da roditelj posebno sa nastavnikom ne dogovori način trošenja istog.

Tokom terenske nastave/škole skijanja posebno se zabranjuje konzumiranje duhana za učenike, nargile i alkoholnih sredstava i opojnih sredstava za nastavnike i učenike, kao i energetskih napitaka.

Učenici će biti pod stalnom kontrolom u toku pauze bar jednog nastavnika kako bi se zaštitili od odlaska na njima neprimjerena mjesta.

Učenici ne smiju realizovati nikakve aktivnosti samostalno bez prethodne saglasnosti i pratnje nastavnika, tj. nosilaca aktivnosti odgojno – obrazovnog rada.

Nosioci odgojno – obrazovnog rada i predstavnici agencije se obavezuju na sve potrebne aktivnosti u cilju ostvarenja zdravstvene i drugih vrsta zaštite učenika.

U toku realizacije terenske nastave/škole skijanja zabranjeno je osamljivanje bilo kojeg učesnika u realizaciji aktivnosti (vozač, vodič, vođa puta, nastavnik) sa manje od tri učenika.

#### Član 6.

Kršenje odredbi ovog Etičkog kodeksa ponašanja učenika na terenskoj nastavi/škola skijanja, predstavlja osnov za pokretanje disciplinskog postupka za prekršioce (nastavnike, učenike).

### **IV UPOZNAVANJE SA ODREDBAMA KODEKSA**

#### Član 7.

Direktor škole i razrednik/nastavnik su dužni upoznati učenike sa sadržajem Kodeksa i ukazati im na važnost poštivanja njihovih odredbi.

Škola ima obavezu osigurati nužne uvjete kako bi svi nastavnici i stručni saradnici mogli biti upoznati s Etičkim kodeksom. Nepoznavanje i nerazumjevanje etičkih standarda ne opravdava neetično ponašanje.

#### Član 8.

Kodeks stupa na snagu danom usvajanja na sjednici Nastavničkog vijeća, 15.02.2023.

**DIREKTORICA**  
Amira Išerić